



Akilerartarnermut Atugarsissaarnermullu Isumalioqatigiissitap akilerartarnermut atugarissaarnermullu immikkoortunut innersuussutaanik aallaaveqartumik aqqissusseqqinnernik suliaqarnernik aallartitsinissamik Naalakkersuisut peqquneqarnissaannut Inatsisartuni aalajangiiffigisassatut siunnersuut. Sulinissaq immikkoortunik ilanngussaq 1-mi taaneqartunik aallaaveqassaaq. Sulineq 2021 naatinnagu naammassineqareersimassaaq.

(Inatsisartunut ilaasortaq Múte B. Egede, Inuit Ataqtigiit)
(siullermeerneqarnera)

Demokraatit inuiaqatigiinnut, inuttuut kiffaanngissuseq inuttullu akisussaassuseqarnermik annertuumik aallaaveqartumik inuiaqatigiinnut sinaakkuseerusupput. Inuiaqatigiinnik sullissivugut, sulineq imminut akilersinnaasoq, aammalu suliffeqarfimmik ingerlatsigaanni imminut akilersinnaasoq anguniarlugit. Isuma qaratta, inuiaqatigiit sapinngisamik pigissaartuussasut taassumalu kingunerisagaa atugarissaarneq.

Killormut ingerlasinnaangilagut. Tassa atugarissaarnissamik qulakkeeraluta pigissaaratalu. Allatut oqaatigalugu, allatut ajornartumik inuiaqatigiinnut sinaakkusiisariaqarpugut, aningaasaarsiornikkut ineriartorneq pingaartillugu, taamaaliornitsigut pigissaarnerulissagatta inuunerissaarnerulerlatalu. Ineriartorneq pilersissavarput suliffeqarfiutitsinnut pissutsit pitsaasuutikkutsigit, suliffinnik pilersitsinnaangorlugit inuiaqatigiinnullu akilerartarnermut isertitaqarnerulersillugit. Isertitaqarnerunerit taaku soorlu assersuutigalugu inuunerinnerulernissamut atorsinnaavagut.

Taamaattumik Demokraatit suliurput suliffeqarfiit akilerartarutaata appartinniarnernanut, taamaaliornikkut suliffeqarfiit siuariarnissaannut pitsaanerusemik periarfissikkumallugit. Taamaattumik ilanngaassivik tapersorsorparput, kingunerisinnaammagu, innuttaasut ikinnerusut pisortanut akiitsoqalernerat. Taamaattumik sulissutigiuarparput, sulinermut ilanngaatit atorluarneqassasut piffissallu ingerlanerani ullumikkumiit qaffasinnerulernissaa, taamaaliornep kingunerissammagu, sulinerup pisortaniillu pilersorneqarnerup assigiinngissutaata annertusinera. Taamaattumik mittarfiliornissat tapersorsorpagut, Nuummi, Ilulissani Qaortumilu mittarfiit nutaat assersuutigalugu takornariaqarnermut annertusaataasinnaammata.

Allatut oqaatigalugu siuarsaanissamut suliurpugut, inuunerissaarnissamut akissaqarniassagatta, Inuit Ataqtigiinniillu siunnersuuteqartoq ilungersorluta kajumissaarusupparput uatsitulli suliniaqqullugu. Ilumoortumik oqassagutta; taamaappasinngimmat. Inuit Ataqtigiit siunnersuutit ameerlanerpaat, siuariartorneqarnermut taassumalu kingunerisaanik inuunerissaarnermut siunnersuutaasut aklerlerisarpaat, siunnersuuteqartarlutilli, inuiaqatigiinni ingerlatsinermit akisunerulersitsisunik.

Ilumoortorli unaavoq, inuunerissaarnerup pitsanngortinnissaa piviusunngortissinnaangikkipput, aningaasassaqartingikkutsigu.



Demokraatit aaqqissuusseqqinnerit suliniutillu, uani qinigaaffitsinni qitiusimasut, nuannaraarutigaat. Qularutiginngilluinnarparput, suliniutit taakku Nunatsinnut iluaqutaarujussuarumaartut.

Inuit Ataatigiit uuminnga siunnersuuteqarnerminni siunnersuutigaat, siunissami aaqqissuusseqqinnerit piareersassagigut tunngavissat, Inuit Ataatigiit malitassatut taakkartugaat aallaavigalugit (ilanngussaq 1). Demokraatit qanorluunniit pituttorsimarusunngillat, Inuit Ataatigiit aaliangissagaat, suut ukkatigineqassanersut. Uagut piumanearput pissutsinut liberaliusumik eqqarsartariaaseqarneq, suliffeqarfinnut innuttaasunullu atugassarititaasut pitsanngortinnerisigut ineriartornerup pigissaarnerullu ukkatariuarneratigut.

Taamatut oqaaseqarlunga nalunaarutigissavara, siunnersuutip itigartinneqarnissaa innersuussutigigatsigu.